



**«Керемет» бастауыш мектеп- балабақша кешенінің 2022-2023 оқу жылына арналған қамқоршылық кеңесінің ережесі**

**1. Жалпы ережелер**

*«Керемет» бастауыш мектеп- балабақша кешенінің қамқоршылық кеңесінің бұл ережесі оқу-тәрбие үрдісінің жақсаруын арттыруға, мектептің барлық кеңестерінің мүшелерін мектептің іс-шараларын ұйымдастырып, қатыстыруға, өзін-өзі басқару жұмысының ашықтығын қамтамасыз ету мақсатында құрылып, қабылданды.*

**2. Қамқоршылық кеңесінің мақсаты мен міндеттері:**

2.1. Қамқоршылық кеңесі мектепте оқыту және тәрбие жұмысында, материалды-техникалық қамтамасыз етуді және оқу-тәрбие мен инновациялық үрдісті жақсартуға септігін тигізуге құрылған.

2.2. Қамқоршылық кеңестің міндеттері:

а) білім жүйесінде оқыту мен тәрбие үрдісінде практикалық көмек көрсету; оқушылар, ата-аналар және мұғалімдер арасында біріккен жұмыста жайлы жағдай жасау;

ә) оқушылардың шығармашылық, интеллектуалдық және рухани қабілеттерін арттыруға жағдай жасау;

б) оқу-тәрбие үрдісінің жұмысын жақсартуды қамтамасыз ету; материалды-техникалық қамтамасыз етуді нығайту;

2.3. Қамқоршылық кеңесі өз қалауымен, тең құқылы, заңды, ашықтықта еркіндік ұғымымен жұмыс істейді.

2.4. Оқушының оқу үлгерімін көтеру мақсатында білім үрдісінде сыйлықтар ұсынуға;

2.5. Бюджеттен тыс түскен финанстық қаржыны мақсатты түрде қолдану;

2.6. Осы ережеге сәйкес қамқоршы кеңесінің атқаруға тиісті міндеттерін орындауын талап ету;

**3. Қамқоршылық кеңесінің жүйесі:**

Қамқоршылық кеңесінің құру тәртібі және оның мүшелерін сайлау мектеп әкімшілігінің шешімімен бекітіледі.

Қамқоршылық кеңестің мүшелерінің саны так санына құрылуы тиіс. Қамқоршылық кеңестің құрамына: мектеп оқушыларының ата-аналары, мемлекеттік органдардың өкілдері, жергілікті өзін-өзі басқару органдарының өкілдері, компания, интеллектуалды мектептер менгерушілері, жеке кәсіпкерлер мен ғылыми орта, баспасөз қызметкерлері, педагогикалық қызметкерлер, кіре алады.

Мектеп жарғысы бойынша қамқоршылық кеңестің жұмыс мерзімі 3 /үш/ жыл.

Қамқоршылық кеңесі мүшелерінің жұмысы мерзімінен бұрын қамқоршылық кеңестің мүшелерінің сұрауы бойынша, өз міндеттерін денсаулықтарына байланысты орындай алмай және орындамаған жағдайда, қамқоршылық кеңестің жазбаша түрде мәлімдеген кезде аяқталуы мүмкін. Қамқоршылық кеңестің шешімдері жазбаша түрде жазылып, безендіріледі, оны қарауға мектеп әкімшілігіне жібереді. Шешім 1/3 мүшелерінің дауысымен қабылданды деп есептелінеді.

Қамқоршылық кеңестің бірінші отырысын мектептің ата-аналар комитетінің төрағасы өткізеді, бұл отырыста кеңестің төрағасы, орынбасары, хатшысы және ревизиялық комиссия мүшелері сайланады. Аталған лауазымдарға, педагогикалық кеңестің ұсынған мүшелері сайлана алмайды.

Қамқоршылық кеңестің хатшысы болып қамқоршылық кеңестің мүшесі емес лицей қызметкері қамқоршылық кеңеспен тағайындалады, ол қоғамдық бастама ретінде өз құзырындағы жұмысты бақылап, отырыстарды дайындап өткізуге, қамқоршылық кеңес отырыстарының материалдарын қамтамасыз етеді, материалдарды басқалардың көруіне бақылау жасайды.

**4. Қамқоршылық кеңестің құқықтары:**

4.1. Мектептің тәрбие жұмысының жоспарына өз ұсыныстарын енгізуге;

4.2 Қазақстан Республикасының заңдары негізінде финансты шаруашылық жұмысына қатысуға, оған өзгертулер мен толықтырулар енгізуге;

4.3. Оқу-тәрбие үрдісінің ұйымдастырылуы туралы лицей әкімшілігінің есебін, бюджеттік және бюджеттік емес кірістердің қолданылуы туралы есептерді тыңдауға;

4.4. Мамандандырылған лицейдің оқу-тәрбие үрдісіне қатысуға;

4.5. Бюджеттік және бюджеттік емес кірістердің қолданылуы туралы құжаттармен танысуға және ұсыныс жасауға;

4.6. Мектеп жарғысына өзгертулер мен толықтырулар ұсынуға;

4.7. Қор құруға, қамқоршылық кеңесінің финанстық кірістері Қазақстан Республикасының заңына қарсы келмейтін өз еркімен жеке және заңды тұлғалардан түскен қаржыдан тұрады;

#### **5. Қамқоршылар кеңесі отырысының өткізілу тәртібі :**

5.1. Қамқоршылар кеңесінің отырысы әр тоқсан сайын бір рет өткізіледі;

5.2. Қамқоршылар кеңесінің отырысы оның төрағасымен, қамқоршылар кеңесінің мүшелерімен, мектеп әкімшілігімен шақырыла алады;

5.3. Шақыру тәртібі және қамқоршылар кеңесінің отырысының өткізілуі лицей әкімшілігінің бұйрығымен бекітіледі;

5.4. Қамқоршылар кеңесінің отырысы, егер оның барлық мүшелері отырыс өткізілетін уақыты мен жерін хабарланған уақытта толық қанды деп есептеледі;

5.5. Дауыс беруде қамқоршылар кеңесінің әрбір мүшесінде бір дауыстан бар. Егер дауыс беру тең жағдайда болғанда шешуші дауысты қамқоршылар кеңесінің төрағасы өз дауысымен шешеді;

#### **6. Қамқоршылар кеңесінің төрағасы:**

##### **6.1 Құқықтары:**

- өз міндеттерін қоғамдық бастама ретінде жүргізеді;

- жергілікті басқару органдары, ұжымдар, ұйымдармен араласып, олардың алдында қамқоршылар кеңесін ұсынады;

- қамқоршылар кеңесінің жұмыстарын ұйымдастырады, басқарады

- қамқоршылар кеңесінің қабылдаған шешімдеріне қол қояды

- қамқоршылар кеңесінің жұмысы туралы жылдық есебін дайындайды

- мектеп әкімшілігімен байланыста болады.

#### **7. Қамқоршылық кеңестің мүлкі мен қаржысы**

7.1. Қамқоршылық кеңестің қаржысы оның мақсаттары мен міндеттеріне сай жұмсалады;

7.2. Жұмсалған қаржы туралы оның салымшыларын ақпараттандырып отырады;

7.3. Оқушылардың оқудағы жақсы үлгерім көрсеткіштері үшін және интеллектуалды, шығармашылық сайыстардағы көрсеткіштері үшін сыйақы тағайындай алады.

#### **8. Ревизиялық комиссия:**

8.1. Ревизиялық комиссия – қамқоршы кеңесінің жұмысында финансты-шаруашылық қаржыны жұмсаудағы заңдылықты, дұрыс қолданылуын қадағалайтын бақылау жасаушы орган.

8.2. Ревизиялық комиссия кеңестің жалпы отырысында 3 жылға сайланады.

#### **9. Қарама қайшылықтар:**

9.1. Қамқоршылық кеңестің әрбір мүшесі мектеп жұмысы үшін аянбай еңбек етуге міндетті. Қамқоршылық кеңестің әрбір мүшесі шешім қабылдағанда өз жеке басын ойлап, мектептің коммерциялық мүмкіндіктеріне қол сұқпауы керек.

9.2. Қамқоршылық кеңесі мүшелер арасындағы қарама қайшылықтар және оны шешу туралы жағдайды мектеп әкімшілігіне хабарлауы міндетті.

9.3. Егерде қарама қайшылықтар шешілмеген жағдайда, оны шешу мектеп әкімшілігіне қарауға беріледі.

#### **10. Қамқоршылық кеңестің таратылуы:**

10.1. Қамқоршылық кеңестің таратылуы мектеп әкімшілігінің шешімімен бекітіледі.

10.2. Қамқоршылық кеңестің қаржысы таратылғаннан кейін құрылған жоспар бойынша орындалатын жұмыстарды жалғастыру үшін таратылу комиссиясына тапсырылады.